



U skladu sa članom 11., 34. i 35. Statuta, Uprava Preduzeća raspisuje Javni poziv za prikupljanje ponuda - prijava u svrhu organizacije fitnesa u prostornim kapacitetima Preduzeća:

## JAVNI POZIV

### 1. PREDMET JAVNOG POZIVA

Predmet Javnog poziva je prikupljanje ponuda-prijava u svrhu realizacije Projekta rekreacije i rehabilitacije građana u fitness centru Olimpijskog bazen Otoka. Projekat bi se realizovao u prostoru koji s proširenjem iznosi 113 m<sup>2</sup>, a nalazi se u prizemlju objekta Olimpijskog bazen Otoka na desnoj strani.

### 2. OPIS PROJEKTA

JP „Olimpijski bazen Otoka“ d.o.o. poznat je kao edukacioni centar i po raznim projektima u oblasti vodenih sportova, a kako je vizija preduzeća da postane i funkcionalan sportsko – rekreacijski centar, potrebno je pokrenuti Projekat rekreacije i rehabilitacije građana i unaprijediti fitness centar Olimpijskog bazena Otoka.

JP „Olimpijski bazen Otoka“ d.o.o., kako bi upotpunio usluge koje pruža, u narednom periodu ima za cilj da proširi, poboljša i unaprijedi uslugu fitnesa, uz koju bi se pružale i dodatne prateće usluge.

Generalni cilj Projekta je je unaprijediti uslove za rekreaciju i rehabilitaciju građana Kantona Sarajevo, korisnika usluga rekreacije i trenažnih procesa na Olimpijskom bazenu Otoka.

Pojedinačni ciljevi:

1. Poboljšanje psiho-motoričkih sposobnosti kod rekreativaca - korisnika fitness i cardio programa;
2. Povećati stepen aktivnosti rekreativaca – korisnika fitness i cardio programa, a posebno populacija djece, mladih, kao i osoba treće životne dobi;
3. Obezbjedenje infrastrukturnih i programskih uslova za sportsko-rekreativne aktivnosti mlađe populacije u cilju suzbijanja maloljetničke delikvencije;
4. Unaprijeđenje kvalitete usluga (programski i tehnički aspekt)

### 3. NAMJENA I SVRHA PROJEKTA

Svjetska zdravstvena organizacija je poslala signal kojim upozorava stanovništvo na nužnost svakodnevne tjelesne aktivnosti. Najnoviji podaci Svjetske zdravstvene organizacije govore da je oko 1,6 milijarde pretilih ljudi trenutno u svijetu. Prema njihovim procjenama u narednih 10 godina taj broj će se povećati za oko 40%.

Rekreativni sport u Kantonu Sarajevo, zbog nedostajuće i neadekvatne infrastrukture generalno je zapostavljen, a posebno populacija djece, mladih, kao i osoba treće životne dobi.

Kako su građani Kantona Sarajevo poboljšali svoje navike u oblasti vodenih sportova, pogotovo mladi, potrebno je i dalje stvratiti zdrave navike kod građana, što utiče na bolje zdravstveno stanje i cjelokupan život pojedinca, a odražava se na cijelo društvo.

JP „Olimpijski bazen Otoka“ d.o.o., kako bi upotpunio usluge koje pruža, u narednom periodu ima za cilj da proširi, poboljša i unaprijedi uslugu fitnesa, uz koju bi se pružale i dodatne prateće usluge.

Za realizaciju projekta ponuđač je obavezan da obezbjedi stručnu pomoć korisnicima kod realizacije planiranih aktivnosti.

#### **4. PRAVO UČEŠĆA**

Pravo učešća na javnom pozivu imaju sva pravna lica i udruženja registrovana za obavljanje djelatnosti fitnesa, sportske rekreacije i aerobika.

#### **5. TRAJANJE PROJEKTA**

Realizacija projekta u periodu od 2 (dvije) godine sa mogućnošću produženja/nastavka.

#### **6. SADRŽAJ PONUDE**

Ponuda treba da sadrži sljedeće dokumente:

1. Informacije o ponuđaču: naziv, adresu sjedišta, ID broj, broj žiro računa i nazive banke i ime i prezime lica ovlaštenog za zastupanje;
2. Ovjerenu kopiju aktuelnog izvoda o registraciji izdatu od nadležnog organa;
3. Uvjerenje o izmirenim poreskim obavezama; (izuzev ponuđača koji su tek registrovani)
4. Ovjereni izjava ponuđača da se odriče prava da tereti JP „Olimpijski bazen Otoka“ d.o.o. po osnovu eventualne štete nastale na spravama ili gubitka u vidu prometa;
5. Dostavljanje prijave - ponude sa preciziranim Planom realizacije programskih aktivnosti u kojem će biti konkretno naveden sljedeći sadržaj:
  - vrste fitnes programa ,
  - termini grupnih programa,
  - vrste masaža (eventualno, ukoliko se organizuje pružanje usluga masaže).

Ponuđač je obavezan dostaviti prijedlog cjenovnika za sadržaje koje nudi i projekciju poslovanja za naredne 2 (dvije) godine.

6. Izjava ponuđača da će programski sadržaji biti organizovani u skladu sa profesionalnim i etičkim standardima te da izvedeni programski sadržaji neće izlaziti iz okvira kojim bi bio narušen poslovni ugled, interesi i materijalna dobra JP „Olimpijski bazen Otoka“ d.o.o.;
7. Potpisana izjava ponuđača o posjedovanju profesionalne i tehničke sposobnosti za učešće u javnom pozivu;

#### **7. OBAVEZE UČESNIKA U PROJEKTU**

JP „Olimpijski bazen Otoka“ ulaže prostor od 113 m<sup>2</sup>, izmiruje režijske troškove za taj dio prostora (grijanje, struja, voda), stavlja na raspolaganje trenutnu opremu (cardio i ostale mašine na korištenje) obezbjeđuje naplatu usluga preko svoje pos kase, vrši mjesečni obračun, fakturisanje i raspodjelu prihoda od projekta, nakon obračunatog PDV-a.

Ponuđač učestvuje sa novom opremom i dodatnim uređenjem prostora, obezbjeđuje održavanje i higijenu opreme i prostora, formuliše, priprema i realizuje programske aktivnosti iz oblasti fitnesa, sportske rekreacije i aerobika.

Izabrani ponuđač je obavezan u roku od 30 (trideset) dana od dana potpisivanja ugovora završiti sve pripreme radnje i započeti realizaciju Projekta u punom kapacitetu.

## 8. KRITERIJI ZA OCJENU PONUDE

Po prijemu ponuda, Komisija imenovana za razmatranje prispjelih ponuda, izvršit će odabir ponuđača na osnovu sljedećih kriterija i bodova:

- a) Poslovne reference ponuđača:
- početnik (tek registrovan za obavljanje djelatnosti) 10 bodova
  - ♥- do 5 godina sa najmanje 1 fitnes centrom 15 bodova
  - više od 5 godina rada i 1 fitnes centar 20 bodova
  - lanac fitnes centara 25 bodova
- b) Kvalitet plana realizacije programskih aktivnosti:
- ponuda sa procjenjenom najvećom dobiti 25 bodova, a bodovi za ostale ponude će se proporcionalno izračunati
- c) Ponuđeni omjer podjele prihoda, nakon odbijanja PDV-a:
- Minimalno 10 bodova
  - Maximalno u korist JP „Olimpijski bazen Otoka“ d.o.o. 25 bodova, a bodovi za ostale ponude će se proporcionalno izračunati
- ♥

## 9. ROK I NAČIN DOSTAVE PONUDE

Ponuda se dostavlja u zapečaćenoj koverti putem pošte na adresu JP „Olimpijski bazen Otoka“ d.o.o. Sarajevo, ulica Bulevar Meše selimovića 83b, 71 000 Sarajevo sa naznakom „Ponuda za Javni poziv broj: 02-1-1221/23“ – NE OTVARATI!, ili se predaje lično na protokol JP „Olimpijski bazen Otoka“ d.o.o.

**Rok za dostavu ponuda je 15 dana od dana objave.**

Nepotpune i neblagovremene ponude neće se uzeti u razmatranje.

Tekst javnog poziva objavit će se na web stranici JP „Olimpijski bazen Otoka“ d.o.o., i oglasnoj tabli u sjedištu Preduzeća.

## 10. OTVARANJE PONUDA I IZBOR NAJPOVOLJNIJE PONUDE

Javno otvaranje ponuda obaviti će se 22. 07. 2023. godine u 13:00 sati u sjedištu JP „Olimpijski bazen Otoka“ d.o.o. u ulici Bulevar Meše Selimovića 83b.

Predstavnici ponuđača ne mogu prisustvovati javnom otvaranju bez pismenog ovlaštenja.

Najpovoljnija ponuda je ona koja uz ispunjenje svih uslova iz javnog poziva sadrži i najviše ponuđeni omjer podijele ukupno ostvarenih mjesečnih prihoda, nakon obračuna PDV-a.

Ukoliko dvije ili više ponuda budu sadržavale isti omjer podijele ostvarenih mjesečnih prihoda, nakon obračuna PDV-a, najpovoljnijom ponudom smatrat će se ona koja je ranije zaprimljena.

O ishodu javnog poziva ponuđači će biti blagovremeno obavješteni.

Svi zainteresirani za učešće po ovom Javnom pozivu imaju pravo uvida u poslovne prostorije u kojima bi se realizovao projekat, a dodatne informacije mogu dobiti putem e-maila: [info@bazen.ba](mailto:info@bazen.ba) i/ili [emir.tahmiscija@bazen.ba](mailto:emir.tahmiscija@bazen.ba), ili na broj telefona: 033/773-850; 033/773-851.

Broj: 02-1-1221/23

Sarajevo, 04.07.2023. godine



dr. Azra Hasanovać  
direktor

Dostaviti:

- Pomoćnicima direktora
- Objaviti putem web.stranice i oglasne table